

**AGENCIJA ZA VODNO PODRUČJE RIJEKE SAVE  
S A R A J E V O**  
Hamdije Ćemerlića 39a, Sarajevo  
t: +387 33 726 400  
f: +387 33 726 423



**Informacija o trenutnom stanju na  
poplavljenim područjima vodnog područja  
rijeka Save u FBiH**

Saopštenje za medije – 12:00 sati

Sarajevo, 06.06.2014 godine

Prema podacima «Agencije za vodno područje rijeke Save, Sarajevo» vodostaji rijeka na vodnom području rijeke Save su i dalje u kontinuiranom opadanju.

Vodostaj rijeke Save kod Svilaja je pao za 6,82 m u odnosu na maksimalno zabilježeni vodostaj registrovan 18.05.2014.g kada je iznosio 939 cm, a vodostaj zabilježen danas u 12:00 sati iznosi 256 cm. Kod Šamca vodostaj je pao za 7,66 m u odnosu na maksimalno zabilježen vodostaj koji je registrovan 17.05.2014.g i iznosio je 891 cm, a vodostaj zabilježen danas u 12:00 sati iznosi 120 cm. Nivo rijeke Save kod Orašja je pao za 7,86 m u odnosu na maksimalno zabilježeni vodostaj koji je registrovan 17.05.2014.g i iznosio je 1194 cm, a isti zabilježen danas u 12:00 sati iznosi 401 cm.

Voda iz poplavnog područja Odžačka Posavina je gotovo u cjelosti evakuisana oticanjem vode kroz ustavu na Staraci, radom pumpi na crpnoj stanici Zorice I i II i Svilaj, gravitacionim oticanjem na gravitacionim ispustima u Zoricama i Svilaju, kao i radom timova sa mobilnim pumpama. Ostalo je da se voda evakuiše iz prirodnih depresija u kojima se ista zadržala i nije moguće njeno gravitaciono isticanje, na čemu su angažovani timovi sa mobilnim pumpama.

Na mjestima prelijevanja i proboja savskog nasipa u naselju Prud završeni su radovi na isušivanju dijela nasipa na koji će se ugrađivati materijal pri sanaciji istog.

**Jučer su započeli radovi na hitnoj sanaciji nasipa na mjestima proboja u naselju Prud.** Radovi se vrše iz više pravaca (na način kako to dozvoljava organizacija same saobraćajne komunikacije na terenu) i uz angažovanje sve raspoložive mehanizacije kako bi se što prije završilo sa zatvaranjem otvora na nasipu.

Ukoliko vremenske prilike dozvole i ukoliko se radovi nastave istim intenzitetom kao do sada tokom naredne sedmice će interventna sanacija proboja savskog dijela nasipa na području Odžačke Posavine biti završena.

**Na poplavnom području Srednja Posavina** višednevnim i neprekidnim crpljenjem na crpnoj stanici Tolisa, u kombinaciji sa gravitacionom odvodnjom putem gravitacionih ispusta, te nizom timova sa mobilnim pumpama, značajno je snižen nivo vode u kanalima.

U poplavnom području Kopanice i Vidovice voda otiče kroz gravitacione ispuste, radom crpne stanice Đurići i radom mobilnih pumpi. Nivo vode značajno je snižen tako da se voda povukla iz naselja i voda još u samo neznatnoj količini ističe kroz otvor u nasipu. Na mjestu prelijevanja i proboja savskog nasipa u Kopanicama vrše se radovi na isušivanju dijela nasipa na koji će se ugrađivati materijal pri sanaciji istog.

Ukoliko se situacija sa snižavanjem vode nastavi i ukoliko vremenski uslovi i dalje budu povoljni odmah će se pristupiti sanaciji probijenog dijela nasipa na području Kopanica.

Prema zadnjim informacijama dobivenim od strane Brčko Distrikta BiH došlo je do oštećenja na gravitacionom ispustu Đurići tj. "odnošenja" istog usljed velikog erozionog dejstva vode, tako da sada voda na tom mjestu se evakuše sa većim proticajnim profilom nego što je bio otvor na samom gravitacionom ispustu.

U toku su završne pripreme za sanaciju ljetnog nasipa uz rijeku Savu koji će poslužiti kao zagat za sanaciju otvora na savskom odbrambenom nasipu.

Stručne ekipe Agencije za vodno područje rijeke Save su na svim vodotocima I kategorije kao i na zaštitnim vodnim objektima u cilju sagledavanja stanja i procjene štete, a također su angažovane i na praćenju radova hitnih sanacija otvora na savskim odbrambenim nasipima.

ODJELJENJE ZA INFORMACIONI SISTEM VODA  
DEŽURNI CENTAR

**Dežurni kontakt telefon za informacije tokom 24 sata je 033 726 436 (Centar) i mobitel 061 130 063.**